

正
歷代詩讀本第四種

下冊

評註
清詩讀本

上海大東書局出版

中華民國十三年二月出版
中華民國二十年二月四版

評註清詩讀本(全三冊)

○(定價大洋六角)


(外埠酌加郵費匯費)

評選者 吳興凌善清

發行人 沈駿聲

印刷所 大東書局
上海北福建路二號

總發行所 大東書局
上海四馬路九十九號



分發行所

漢口 長沙 南京
廣州 北平 天津
梧州 徐州 成都
遼寧 汕頭 哈爾濱

大東書局

評註清詩讀本 卷四

七律

梅村

吳偉業

枳籬茅舍掩蒼苔。乞竹分花手自栽。不好詣人貪客過。慣遲
作答愛書來。閒窗聽雨攤詩卷。獨樹看雲上嘯臺。桑落酒香
盧橘美。釣船斜繫草堂開。

評 不脫名士風頭

註

○【梅村】在今江蘇太倉縣西。本王氏舊業。名賁園。吳偉業購而新之。改名梅村。有樂志堂。梅
花庵。交蘆庵。嬌雪樓。鹿樵溪舍。檀亭。蒼溪亭諸勝。
○【枳籬】枳音紙。多刺之木。可編爲籬落。【韓
愈詩】「舊籍在東都。茅屋枳棘籬」
○【蒼苔】苔。隱花植物之一類。叢生于古木溼地及石上。
色青綠。故曰蒼苔。【杜甫詩】「石田茅屋荒蒼苔」
○【乞竹】求竹也。【陸游詩】「乞竹寬編養

鶴籠。」⑤【分花】〔庾自直詩〕「照日秋原淨，分花曲水香。」⑥【詣】研計切，往候也。⑦

【獨樹】〔陶潛詩〕「連林人不覺，獨樹衆乃奇。」〔王褒詩〕「平原看獨樹，亭皋望別村。」⑧

【嘯臺】在今河南尉氏縣東。三國時魏阮籍嘗登其地，長嘯，故名。〔東晉江徵陳畱志〕「阮嗣宗善嘯，聲與琴諧，陳畱有阮公嘯臺。」⑨【桑落酒香】〔劉續罪雪錄〕「河東桑落坊有井，每至桑落時，取水釀酒甚美。」⑩【盧橘】謂枇杷也。〔司馬相如文〕「盧橘夏熟。」

過朱買臣墓

吳偉業

翁子窮經自不貧，^三會稽連守拜爲真。^六是非難免三長史，^七富貴徒誇一婦人。^八小吏張湯看倨傲，^九故交莊助歎沈淪。^十行年五十功名晚，何似空山長負薪。

評 買臣一生數語括盡婦人句，尤足解頤。

註

①【朱買臣墓】朱買臣，漢會稽吳人，字翁子，家貧，好讀書，常賣薪自給，且行且讀，妻羞之，求去。買臣曰：「我年五十當富貴，今已四十九，待我貴，當報汝，妻不聽去。」適農夫武帝時，嚴助貴，幸薦買臣，拜

爲中大夫侍中。以東越數反。復出爲會稽太守。治樓船戰具。擊東越有功。官主爵都尉。方其乘傳入吳。見故妻與夫治道。買臣呼後車載之歸舍。置園中。妻慚忿自經死。未幾。買臣亦因張湯事被誅。其墓在今浙江嘉興縣東三里東塔寺後。其妻墓在縣北十八里。一名羞墓。東塔寺相傳卽買臣故宅。①【翁子句】翁子。買臣字。窮經。謂窮研經書也。事見上朱買臣墓註。②【會稽】漢郡名。治今江蘇吳縣。轄地甚廣。③【連守】猶言連率。謂太守也。④【拜爲眞】眞。謂眞除。猶後世之實授某官。而非署理也。⑤【是非句】長史。官名。漢時相國丞相屬下皆置之。朱買臣後與王朝邊通俱爲長史。與御史大夫張湯皆有隙。乃與丞相莊青翟謀發湯陰事。武帝使趙禹責湯。湯曰。謀陷湯者三長史也。遂自殺。帝聞之。乃盡案誅三長史。⑥【富貴句】見上朱買臣墓註。⑦【小吏句】倨傲。驕傲不遜也。【漢書】「始。買臣與嚴助俱侍中用事。張湯尙爲小吏。趨走買臣等前。及買臣爲長史。湯數行丞相事。知買臣素貴。故陵折之。買臣見湯坐牀上不爲禮。買臣深怨。常欲死之。後遂告湯陰事。湯自殺。上亦誅買臣。」⑧【故交句】嚴助。與買臣同邑。本姓莊。以避漢明帝諱。改爲嚴。武帝時爲中大夫。嘗舉薦買臣。後爲張湯搆陷。買臣不能救。竟棄市。【漢書】「後數歲。買臣隨上計吏爲卒。將重車至長安。詣闕上書。書久不報。待詔公車糧用乏。會邑子嚴助貴幸。薦買臣。召見。說春秋。言楚辭。帝甚說之。拜買臣爲中大夫。與嚴助俱侍中。」⑨【行年二句】見上朱買臣墓註。

贈龔芝麓太常

宋琬

仙客朝回散玉珂。^三蘇門春色未蹉跎。^四人從鄴下風流健。^五詩入關中涕淚多。^六漢時猶傳朱雁曲。^七祠官新紀白狼歌。^八子雲寂寞耽詞賦。^九肯許狂生載酒過。^十

評多韻句雄雉

註

①【龔芝麓】名鼎孳，合肥人，工詩及古文，明崇禎進士，官兵科給事中，入清累遷左都御史，歷

刑兵禮三部尚書，卒諡端毅。②【太常】官名，掌宗廟禮器，有卿少卿各一人，龔鼎孳常官此。③

【仙客】指龔芝麓言，唐明皇詩「仙客厭人間，孤雲比性閒」。④【玉珂】飾于馬上之玉器，行時擊觸有聲，張華詩「乘馬鳴玉珂」。⑤【王維詩】「林開散玉珂」。⑥【蘇門】山名，在河南

輝縣西北七里，一名蘇嶺。⑦【蹉跎】謂失時也，晉書「欲自修而年已蹉跎」。⑧【鄴下】

鄴，晉業漢縣名，在今河南臨漳縣境，曹操初封魏公，都鄴，及不篡漢，徙都洛陽，黃初二年，復以譙爲先

人本國，許昌爲漢之所居，長安爲西京遺跡，鄴爲王業本基，與洛陽並爲五都，故後世稱洛陽曰洛下。

亦稱鄴縣曰鄴下。⑧【關中】地名即今陝西省。〔關中記〕「東自函關西至隴關二關之間謂之關中。」⑨【漢時】時音止又音市祭天地五帝之地也。〔盧照鄰詩〕「漢時光如月秦祠聽似雷。」⑩【朱雁曲】朱雁瑞鳥也。〔史記〕「武帝行幸東海獲赤雁作朱雁之歌。」〔庾信詩〕「凱樂聞朱雁。饒歌見白麟。」⑪【祠官】主宗廟祭祀之官。〔史記〕「上曰昔先王遠施不求其報望祀不祈其福今吾聞祠官祝釐皆歸福朕躬其令祀官致敬毋有所忌。」⑫【白狼歌】〔後漢書〕「益州刺史朱輔宣示漢德自汝山以西正朔所未加白狼獬木唐菰等百餘國慕化歸義作詩三章。」〔左思賦〕「右挾岷山涌瀆發川陪以白狼彝歌成章。」⑬【子雲】揚雄漢成都人字子雲少好學長于詞賦成帝時召對承明庭奏甘泉河東長楊校獵四賦爲人好古樂道以文章名世所著有太玄法言方言等書。⑭【耽】樂也。⑮【肯許】肯否允許也。⑯【過】音戈經也。

趙五絃齋中讌集限郎字

宋琬

登樓客半是高陽。酒政無苛約數章。南國山川悲庾信。大江煙雨憶周郎。桐餘深影畱鶯語。月下微痕試薜香。莫向尊前增感慨。漢京聞已諱長楊。

評 三四一聯似杜老秋興詩中佳句

註

①【高陽】本古國名。改地在今河南杞縣。此則借指酒徒也。〔史記〕「酈生瞋目按劍叱使者曰：走復入言沛公。吾高陽酒徒也。」②【酒政】酒令也。〔貴耳集〕「袁彥純尹京，專畱意酒政。」

③【苛】謂政煩酷也。

④【南國句】庾信字子山，南陽新野人，博覽羣書，文章藻麗，與徐陵齊

名。梁元帝時以右衛將軍使西魏，被畱不遣。入周，明帝武帝並好文學，皆恩禮之。累遷驍騎大將軍，開府儀同三司。世稱庾開府。信位雖通顯，而瞻望南國，常動鄉關之思，嘗作哀江南賦以見志。⑤【大

江句】大江謂長江也。庾瑜字公瑾，有文武才，年二十四，爲東吳建威中郎將。吳中皆呼之爲周郎。孫權時，瑜縱火大破曹操軍於赤壁，聲威大振。拜前將軍，領南郡太守。〔蘇軾賦〕「西望夏口，東望武昌，山川相繆，鬱乎蒼蒼。此非曹孟德之困於周郎者乎？」⑥【菰】菰，杵轉切。茶之晚採而老者。〔吳

志〕「密賜曜茶菰以當酒。」⑦【尊】同樽，注酒之器。⑧【漢京句】謂席上之人，雖曾同經

黍離之感，但已入新朝，當知避諱，不復再言前朝之事也。〔三輔黃圖〕「長楊宮本秦舊宮，至漢修飾之以備行幸。宮中有垂楊，陰數畝。」按長楊宮在今陝西盩厔縣東南，漢揚雄有長楊賦。

拜李元禮墓

王士正

潁水東流去不迴。漢家司隸汜城隈。西園官爵歸常侍。北部
髡鉗記黨魁。一代荀陳師友誼。千秋蕃武死生哀。歲寒謬謬
松風裏。猶似龍門御李來。

評 三四一聯探原立論句亦挺健

註

○【李元禮墓】李膺。後漢襄城人。字元禮。桓帝時爲司隸校尉。以事殺張讓弟。諸黃門常侍皆

鞠躬屏氣。休沐不敢復出宮省。時朝廷日亂。綱紀頽弛。膺獨持風裁。以聲名自高。士有被其容接者。名
爲登龍門。後宦者坐以黨事免官。靈帝時復起。與竇武謀誅宦官。未成被殺。其墓在今河南襄城縣北
十里。墓旁有祠。○【潁水】在襄城縣東北。一名渚河。東南流經臨潁縣與沙河合。○【司隸】

官名。〔後漢書〕「司隸校尉一人。比二千石。持節掌察舉百官以下。及京師近郡犯法者。并領一州。」

○【汜城隈】汜城故地。在今河南襄城縣南。隈。水曲也。此言李膺故里及墓。皆在汜城水曲之處。

○【西園句】常侍。宦者官名。句言朝廷爵賞。均操於宦官之手。〔後漢書〕「光和元年。初開西邸
賣官。自關內侯虎賁羽林。入錢各有差。私令左右買公卿。公千萬。卿五百萬。」○【北部句】髡鉗。

皆漢時刑罰名。髡謂剃髮。鉗以鐵束頸也。〔後漢書〕「初桓帝受學於甘陵周福。及卽位。擢福爲尙書。同郡河南尹房植有名當朝。鄉人爲之謠曰。天下規矩房伯武。因師獲印周仲進。二家賓客互相譏搆。遂各樹朋徒。漸成尤隙。由是甘陵有南北部。黨人之議自此始。後汝南太守宗資。任功曹范滂。南陽太守成瑨。亦委功曹岑暕。二郡又爲謠曰。汝南太守范孟博。南陽宗資主畫諾。南陽太守岑公孝。弘農成瑨但坐嘯。因此流言轉入。太學生三萬餘人。郭林宗賈偉節爲其冠。並與李膺陳蕃王暢更相褒重。學中語曰。天下模楷李元禮。不畏強禦陳仲舉。天下俊秀王叔茂。時河內張成善說風角。推占當赦。遂教子殺。人李膺爲河南尹。督促收捕。旣而逢宥獲免。膺愈懷憤疾。竟案殺之。初成以方伎交通宦官。帝亦頗諍其占。成弟子牢脩因上書誣告膺等。養太學游士。交結諸郡生徒。共爲部黨。誹訕朝廷。於是天子震怒。班下郡國逮捕黨人。收執膺等二百餘人。」⑦〔一代句〕荀謂荀淑字季和。潁陰人。陳謂陳寔字仲弓。許人。〔後漢書〕「李膺性簡亢。無所交接。唯以同郡荀淑陳寔爲師友。」⑧〔千秋句〕蕃謂陳蕃字仲舉。平輿人。武謂竇武字游平。平陵人。〔後漢書〕「陳蕃爲太傅。與大將軍竇武共秉朝政。連謀誅宦官。故引用天下名士。乃以膺爲長樂少府。及陳竇之敗。膺等復廢。後收捕鉤黨。膺詣詔獄考死。」⑨〔歲寒〕〔論語〕「歲寒然後知松柏之後彫也。」⑩〔謾謾〕音縮。風聲。〔世說〕「

李元禮謾謾如勁松下風。」⑪〔龍門〕見上李元禮墓誌。⑫〔御李〕〔後漢書〕「荀爽嘗就

謁膺因爲其御既還喜曰今日乃得御李君矣其見慕如此」

感事 二首錄一

彭孫通

兀兀窮愁伏枕初。頻搔短髮獨欷歔。^二十年骨肉摧殘盡。七尺形骸涕淚餘。觸目傷心都併集。撫今追昔更何如。^四死生大矣誰能一。爲起蒙莊試問渠。

評 通首賦體傷心之至不能強作達語觀結聯可知

註

○【兀兀】苦思不動貌。〔蘇軾文〕「居兀兀不自覺兮。紛過前之物變。」

○【欷歔】音希

虛嗟歎聲。〔韓詩外傳〕「雍門周鼓琴。孟嘗歔歔就之。」

○【十年句】〔自註〕「自癸丑至今十

年之中。喪兩姊兩兒。一女一庶婦。」

○【死生句】〔王羲之文〕「古人云。死生亦大矣。豈不痛哉。」

○【莊子】「固知一死生爲虛誕。齊彭殤爲妄作。」

○【蒙莊】莊子名周。戰國時蒙人。故亦稱蒙

莊。嘗爲漆園吏。著書十餘萬言。卽今所傳之莊子也。

豆腐 二首錄一

彭孫通

采菽^二中原未厭貧^一。好將要術^三補齊民^四。雅宜蔬^四水稱同調^五。叵與
羔豚^六廁下陳^七。輒滑爾偏^八。諧世味清虛^九。我欲謝時珍^十。不愁飽食^{十一}。
令人重何肉^{十二}。終慚累此身^{十三}。

評 不脫不黏自是大方家數

註

①【豆腐】〔天祿識餘〕「豆腐爲漢淮南王劉安所造。名爲黎祁。又名來其。」②【采菽】

菽。豆之總稱。〔詩〕「中原有菽。庶民采之。」

③【要術補齊民】齊民要術。書名。凡十卷。後魏賈思

總撰。於農圃衣食之法。言之甚詳。惟不載豆腐製法。故云。

④【蔬水】蔬菜類水湯類。〔論語〕「飯

蔬食飲水。」

⑤【叵與】叵。音頗。叵與。不與也。

⑥【羔豚】羔。小羊。豚。小豬也。

⑦【廁】初寺

切次也。列也。

⑧【下陳】下列也。〔晏子春秋〕「願得充數乎下陳。」

⑨【諧】雄皆切。調也。合

也。⑩【時珍】謂時鮮之貴重食品。

⑪【令人重】〔嵇康養生論〕「豆令人重。」

⑫【何肉

句】〔南史〕「周顒長于佛理。何胤亦精信佛法。文惠太子問顒。顒曰。各有所累。太子曰。累伊何。對曰。

周妻何肉。」

夜

王鴻緒

霜風瑟瑟動窗紗。故國音書旅雁賒。永夜聞砧難入夢。他鄉見月易思家。干戈且喜人無恙。蒲柳應憐髮有華。獨愧聖朝容棄物。未辭簪紱問桑麻。

評 家韻旅人確有此情

註

①【瑟瑟】風聲。〔梁簡文帝詩〕「耳聞風瑟瑟」。②【旅雁賒】賒音奢。空也。遠也。旅雁見

廖大聞五律傳書註。③【砧】註見朱彝五律。④【干戈句】似指三藩之變。⑤【蒲柳】水

楊也。〔世說〕「顧悅之與簡文帝同年。悅之先老。帝怪問之。悅之曰。松柏之姿。經霜猶茂。蒲柳之質。望秋先零」。⑥【髮有華】謂鬢髮白也。⑦【簪紱】簪緇深切首。笄紱音弗。綬也。二物皆仕宦所

御。〔譚子〕「禮貴於簪紱」。⑧【桑麻】謂服農事也。〔陶潛詩〕「相見無雜言。但道桑麻長」。

題南昌鐵柱觀

朱彝尊

丹臺^三縹緲^四麗^五層城。鐵柱縱橫鍊紫清^六。陰洞蛟龍晴有氣^七。虛堂^八神鬼晝無聲^九。游人自愛登高賦^十。仙吏仍兼濟物情^{十一}。雷雨忽愁天外至。江湖元在地中行。

評 莊重稱題

註

①【南昌】今縣名。江西省政府駐於此。

②【鐵柱觀】在今江西南昌縣城南。【江西通志】

「晉許真君遜字敬之。汝南人。少好道。從大洞君吳猛傳三清法要。太康初爲旌陽令。尋棄官。抵豫章。

鍊丹于艾之黃龍山。遇一美少年與語。遽告去。真君謂弟子曰。此江湖老蛟精。故來見試。跡其所之。化

黃牛臥沙磧。命弟子施岑往。岑揮劍中其左股。奔入城西井中。尋跡戮之。并其餘醜。念豫章爲蛟螭所

穴。因於牙城南井鑄爲鐵柱。下施八索。鉤鎖地脈。自是水妖屏迹。城邑無虞。」③【臺】音萌。屋棟

也。所以承瓦。④【縹緲】高遠貌。【白居易詩】「山在虛無縹緲間。」⑤【麗層城】麗。附也。麗

層城。言其高也。層城。註見施閏章五古。⑥【紫清】猶紫虛。謂天府也。【吳筠詩】「逸轡登紫清。乘

光邁奔電。」⑦【陰洞句】【江西通志】「南昌府蛟穴有二。一在豐城縣東二里。一在豐城縣治

西其中積水四時不竭。舊傳蛟精常蟄於此。許旌陽以符呪逐之。蛟遂遁去。」^⑧【虛堂】〔宋史〕「虛宿二星。爲虛堂冢宰之官也。」〔梁昭明太子詩〕「高宇旣清。虛堂復靜。」^⑨【游人句】〔韓詩外傳〕「孔子游於景山之上。子路子貢顏淵從。孔子曰。君子登高必賦。小子曷言其愿。」^⑩【仙吏句】指許真君斬蛟立柱事。見鐵柱觀註。^⑪【雷雨二句】言雨水雖自天降。若水道濬治。江河原在地中流行。與人無害。語似不信。鐵柱能鎮水妖。〔孟子〕「使禹治之。禹掘地而注之海。驅蛇龍而放之菹。水由地中行。江淮河漢是也。」

早發蒙陰道中書感

趙執信

山城曙色動征鞍。客思遙和路屈盤。半嶺煙拖霜影薄。一林風戰葉聲乾。賦因楊意凌雲易。相比班超食肉難。老我枯蓬任飄轉。猶憐袞袞不知寒。

評 乾字韻響

註

①【蒙陰】縣名。今屬山東濟寧道。
②【曙色】曙。音署。曙色。曉色也。
③【乾】音干。枯燥。

也。④「賦因楊意句」凌雲言高舉出塵也。〔史記〕「蜀人楊得意爲狗監侍上上讀子虛賦而善之曰朕獨不得與此人同時哉得意曰臣邑人司馬相如自言爲此賦上驚乃召問相如相如曰有是然此乃諸侯之事未足觀也請爲天子游獵賦賦成奏之天子大悅」〔又〕「司馬相如既奏大人之頌天子大悅飄飄有凌雲之氣似游天地之間」⑤「相比班超句」後漢班超字仲升微時嘗遇一相者謂曰祭酒布衣諸生耳而當封侯萬里之外超問其狀相者指曰生燕頤虎頸飛而食肉此萬里侯相也後果官西域都護封定遠侯⑥「蓬」草名莖高尺餘葉如柳葉有鋸齒花甚小色白秋枯根拔風捲而飛故以蓬轉蓬飄等以喻人之飄泊⑦「袞袞」多也〔杜甫詩〕「諸公袞袞登臺省」

村舍

趙執信

亂峯重疊水橫斜。村舍依稀在若耶。垂老漸能分菽麥。全家
合得住煙霞。扶衰地有君臣藥。勸酒庭餘姊妹花。雨玩山姿
晴對月。莫辭閒澹送生涯。

評 尋常村舍一經詩人描寫便成洞天福地

註

○【若耶】山名在浙江紹興縣南山下有溪曰若耶溪相傳爲春秋時西施浣紗處。○【分

菽麥】（左傳）「苟營士飭逆周子於京師而立之周子有兄而無慧不能辨菽麥故不可立」。

【煙霞】謂山林之處隱者所居（北史）「食松餌朮棲息煙霞」。

④【君臣藥】（本艸綱目）「

上藥一百二十種爲君主養命以應天中藥一百二十種爲臣主養性以應人下藥一百二十五種爲佐使主治病以應地」。

（許渾詩）「君臣藥在寧憂病」。

⑤【姊妹花】（遵生八牋）「十姊妹花

小而一蓓十花故名其色自一蓓中分紅紫白淡紫四色或云色因開久而變有七朵一蓓者名七姊妹云」。

⑥【生涯】猶生活指人處世之境遇言（杜甫詩）「報答春光知有處應須美酒送生涯」。

山行雜詩

四首錄一

趙執信

十日山中汗漫行。山雲作意變陰晴。連天細雪因風急。近郭
空煙接月生。鞭影遠牽殘照色。馬蹄寒踏斷冰聲。定知此後
相思處。贏得清樽夜夜傾。